

# 宋高僧傳卷第二十六

給六

太原府崇福寺懷玉傳十三

晉州大梵寺代病師傳十四

興福篇第九之一正傳十四人  
附見二人

宋左街天壽寺通慧大師賜紫沙門贊寧等奉勅撰

周京師法成傳一

唐五臺山昭果寺業方傳二

詮

上都青龍寺光儀傳三

詮

鎮州大悲寺自覺傳四

詮

東京相國寺慧雲傳五

杭州華嚴寺玄覽傳六慧祖  
守如

東陽清泰寺玄朗傳七

湖州佛川寺慧明傳八

湖州大雲寺子瑀傳九

明州慈溪香山寺惟實傳十

朔方靈武龍興寺增忍傳十一

京兆荷恩寺文瓊傳十二

釋法成本姓王名守慎官至監察御史屬天后猜貳信酷吏羅織乃避法官乞出家爲僧苦節勤於化導聲發響隨行高質直長安中於京兆西市疏鑿大坎號曰海池焉支分永安渠以注之以爲放生之所池上佛屋經樓皆成所造穿池之際獲古石銘云百年爲市而後爲池自隋朝置都立市至于時正一百年矣儀鳳二年望氣者云此坊有異氣勃掘之得石函函內貯佛舍利萬餘粒光色粲爛而堅剛勒於此處造光宅寺仍散舍利於京寺及諸州府各四十九粒武后於此始置七寶臺遂改寺額成公居之行其激勸多以崇

福爲已任焉

唐五臺山昭果寺業方傳

釋業方者即解脫禪師之法孫也身長七尺五寸古貌軒昂垂手過膝眉長數寸目有重瞳人望凜然禮誦無倦紹脫高躅動合無形

給六

不捨利物而再修梵宮時太原府有士女造立文殊像一軀將送入山到流池河側洪波汎漲方乃隔岸焚香啓告河爲流滅過丈殊畢水還瀾溢後終建塔在寺西北一里肉身見存而多神異焉

唐上都青龍寺光儀傳

釋光儀姓李氏本唐宗室也父瑯琊王與越王起兵欲復本朝中興帝道不克天后族誅之而無噍類儀方在襁褓中乳母負之而逃後數年則天竊聞瑯琊有子在民間瞞之逾

急乳母將至扶風界中鬻女工以自給儀年八歲狀貌不群神悟超拔乳母疑遭貌取而敗且極憂疑乃造布襦置錢於腰腹間於桑林之下告之令去勑搜不慢吾慮俱死無益於事汝聰穎必可自立或一旦富貴無忘老姥言訖對泣儀慟不自勝乳母從此而逝矣儀茫然行至逆旅與群兒戲有郡守夫人往夫所住處方息俱此見儀群聚且貌俊爽因而憐之召謂之曰郎君家何在而獨行至此儀給之曰莊鄰於此有時閑戲耳夫人食之又給之錢乃解衣而內其錢日暮尋逕而去擬投村墅遇一老僧呼曰爾小子汝今一家已破滅將奚所適儀驚愕佇立老僧又曰給六三出家閑曠且無憂畏小子欲之乎儀曰素所願也老僧因携其手至大樹陰令禮十方佛

歸依常住佛法僧已因削其髮又出袈裟以披服之小大稱其體其執持收掩猶如幾夏比丘老僧喜曰此習性使然善持僧行遂指東北曰去此數里有伽藍汝直詣彼謁寺主云我使汝爲其弟子也言畢老僧歟然亡矣

方知聖僧也儀如言趨彼寺主駭其言因留之經十年許儀已洞明經律善其禪觀而屬中宗即位唐室復興勅求瑯琊王後儀方向寺僧言之時衆大駭因出詣扶風李使君即儀之諸父也見之悲喜乃舍之於家方以狀聞固請不可使君有女年齒相伴一見儀而心悅願致情曲儀恐懼而避焉他日會使君夫人出其女靚粧麗服從者越多來而逼之儀固拒百端終不屑就給之曰身不潔請沐浴待命女許諾方令具湯沐女出因閉關女

還排戶旣不得入自牖窺之方持削髮刀顧而言曰有于此根故爲慾逼今若除此何逼之爲女懼止之不可遂斷其勢投之于地儀亦悶絕戶旣不開俄而使君夫人俱到女實情具告遂破戶視之漸蘇命醫工昇歸蠶室以火燒地苦酒沃之于上以膏傅之月餘瘡愈使君奏儀是瑯琊王子有勅命驛置至京引見慰問優賚豐洽詔襲父爵儀懇讓誓願爲僧確乎不拔中宗勅令領徒任置蘭若自恣化方儀性好終南山因居法興寺於諸谷口造庵寮若凡數十處率由道聲馳遠談說動人或山行十里間縕素侍者常數千百人迎候瞻待甚於權要卿相焉儀恒居寂定或言將來事以決吉凶必無差忒人益歸之開元二十三年六月二十三日先囑累

弟子當謹護身口勿事誼譁祖師意無別事  
靜則真法現前此外提倡皆不獲已言極激  
切因北首而卧枕肱右脇著席而亡此大涅  
槃之表兆也遺言令葬於少陵原南乃鑿原  
成室而封之柩之發也異香芬馥狀貌如生  
祖車出城白鶴數百鳴唳空中綵雲依約覆  
車數十里道俗號咷多持孝服所葬之地遂  
建天寶寺弟子皆留而守之

唐鎮州大悲寺自覺傳

釋自覺博陵望都人也稚齒厭于俗態俄白  
親老言兒樂從佛求度世去二親驚愕咄咤  
俾去然無慙怍再拜請命乃強禮本部開元  
寺知欽欽觀其志氣弗群立字曰自覺訓之  
曰汝聞名思義答曰佛種從緣起唯聰明諭  
矣既而誦經及格蒙度至德二年年滿鎮州

受具足法即往靈壽縣禪法寺習律經論勤  
瘁九年皆造微也便言當入太行山於一磐  
石上結茅庵三畝小谿爲蘭若不亦快乎大  
曆元年九月晦往平山縣界得重林山院果  
應所求遁跡自娛至二年五月天其旱嘆覺  
則跣足經行冬則右肩偏袒其林薄山谷虎  
狼狃跡重複唯拾果采蔬卯時一食時恒陽  
節度使張君患炎旱聞覺精苦躬入山請其  
祈雨張語之曰某無政術致累百姓三年亢  
陽借苦引咎自責良無補矣或云龍王多依  
師聽法忘其施兩願師垂救旱之誓有如白  
水如念蒼生請輟禪定略入軍府覺乃虔恪  
啓告龍神未移晷刻天輒大雨二辰告足張  
帥歸向勤重若孝子之事父母焉覺始入法  
已來學諸佛因中誓願其數亦四十九也其

一願身長隨大悲菩薩次願造鑄大悲像寺及乎發言響應檀施臻萃用赤金鼓鑄成舉高四十九尺梵相端嚴眼臂全具迨更年稔寺亦隨成今城西山大寺是歟遂於壇前誦念至三更見神光二道作中金色於晃朗中見彌陀佛觀音勢至左右翼從佛垂金臂呼

自覺聲漸下雲來摩其頂曰守願勿悛無宜懈廢利物爲先汝去吾隨任從汝意言畢雲收杳無朕迹覺以願心酬畢返山林之間擇送終之處貞元十一年二月望夜有神人現半身若毗沙門狀謂曰師今歲滅度矣舉手謝神人曰往來定分吾聞命矣其年六月十四日奄歸寂滅門人欲奉神龕歸山寺州府人苦留終於大悲寺南遷塔焉則十三年四月八日也其大悲爲恒陽奇事感應潛通至

周顯德初勑鑄九府圓法天下銅像一例除毀時州人相率出錢贖此像不允登即爐橐鎔冶真定之人莫不悲悼時炭熾飛煙無之從頂至脣旋收銅汁斯須計料匠氏暴卒自此罷工迨宋太祖神德皇帝追鑄令全代懺前事焉

### 唐東京相國寺慧雲傳

釋慧雲姓姚氏湖湘人也性識精明氣貌踈朗高宗麟德元年正十歲矣邈然有出塵之志二親多厭沮之其心匪席不可卷也父哀其所願從往南嶽初祖禪師稟承慈訓而能黠慧好味經教沈默如也至于弱冠於嶽寺受具足法自專護戒且善毗尼尋罷講科專營福事發言響答化俗風從立事絕私士庶欽揖乃出重湖而遊荆郢江南振錫浙汭携

囊務在勸人令捨懼病隨處蓋造葺修寺宇二十餘所皆功成不宰天后久視元年江北行化因緣未會長安元年來觀梁苑夜宿繁

臺企望隨河北岸有異氣屬天質明入城尋覩乃歙州司馬宅西北園中池沼雲徒步臨

給六

七

岸見瀾漪中有天宮影參差樓閣合沓珠瓔

門牖綵繪而九重儀像逶迤而千狀直謂兜

率之宮院矣雲覩茲異事喜貫心膺吾聞智嚴經說瑠璃地上現宮殿之影此不可思議之

境界也今決擬建梵宮答其徵瑞乃挂錫于

安業寺神龍二年丙午往濮州屬縣報成寺發願為國摹寫彌勒像舉高一丈八尺募人出赤金于時施者委輸遂巡若丘阜矣遂振橐籥程巧工一鑄克成相好竒特殆景龍四年庚戌六月屬溫王讓位奉睿宗叔父也景

雲元年雲於寺東廊南隅造別殿安聖容始云治材方議版築檀越衆議紛紜未成建樹至二年辛亥於福慧寺經坊北貿新安典午鄭景宅方事興工掘得古碑則北齊天保六年乙亥歲置建國寺乃高歡嗣子文宣帝也覩之者皆驚嘆同舍利弗悲蟬垤焉採訪使君稱異再三遂公此記改福慧為建國寺迎取安業聖容及殿材至寺太極元年五月十三日改元延和是歲刑部尚書王志愔為採訪使至浚郊宣勅應凡寺院無名額者並令毀撤所有銅鐵佛像收入近寺雲移所鑄像及造殿宇門廊猶虧綵繪遇新勅乃輒工雲於彌勒像前泣淚焚香重禮重告曰若與此有緣當現奇瑞策悟群心少頃像首上放金色光照耀天地滿城士庶皆嘆希有是時生

謗毀者隨喪兩目又有舌腫一尺許者遠近傳聞爭來瞻禮捨施如山乃全勝槩像坐垂跌人觀稽顙涉惡報者雲望像爲其悔過斯須失明者重視舌卷者能言皆願爲寺之奴持鐘掃地也採訪使王志愔賀蘭務同錄祥

給六

八

瑞奏聞睿宗潛符夢想有勅改建國之榜爲相國蓋取諸帝由相王龍飛故也仍勅佛授記寺大德明幹同共檢校功德勿令州府煩擾中書舍人賈曾侍郎崔沼給事中盧逸中書侍郎平章事岑羲皆捐俸祿共構因緣或啓發心之元或施外護之力先天中行傳神于潞邸玄宗即位至八月十五日上皇御書寺額奉詔令大德真諦并弟子二人品官一人賚勅賜幡華及寺額至迎受懸挂雲道化梁園身榮福樹百齡有限四相交遷終于寺

之別院葬今京之東郊寺莊塔亭存焉時號造寺祖師雲去世後天寶四載造大閣號排雲肅宗至德年中造東塔號普滿者至代宗大曆十年畢工或云造塔僧能分身行化難測品階文殊維摩是王府友吳道子裝塑又

開元十四年玄宗東封迴勑車政道往于闐國摹寫天王樣就寺壁畫焉僧智儼募衆畫西庫北壁三乘入道位次皆稱奇絕今之殿宇皆大順年火災之後蓋造宋太祖重修翰林待詔高益筆跡壁畫時推筆墨之妙矣

唐杭州華嚴寺玄覽傳

給六  
慧昶  
守如

釋玄覽姓褚氏其先河南人也食菜于錢塘因是家焉覽誕膺明德生而懸解深達實相以崇善本自初念至于捨家師承慧昶昶師德無不滿衆用皆足年高行尊久爲師範及

見覽無一息之間違仁告門人曰無上之道清淨爲本有能一念用其心吾未見學不足者江表無真僧久矣或以此子爲法鼓耶俾遐邇聞之其預爲達匠之所甄異也如此其本邑有故華嚴寺覽以包桑之地近於玄禮師之先塋屬隋室不競法宇弛頽名將壑遷跡亦時廢屬於唐初募信人重建文明歲有勑許還舊額廣輪制度兼移基址背山臨水往返形勝覽初以具戒依天竺次以僧錄住一閑居後以耆德統華嚴三寺次第同致于道道無不在因教有遷也覽嘗以憫物慈濟爲已任遂議寺前平湖之通川爲放生池時太守袁從禮因茲勸勉深入慈門以禁六里司馬楊敏言感夢又廣至十里是以捷醫掉尾驗喙浮沈不虞其害得遂生性焉覽又以

經像爲最則殿前畫四像慈氏爲首鑄金銅像三百五十座彌陀爲首寫經二千餘軸金字涅槃經爲首如是功德以順現報故王考宗追贈和州刺史右散騎常侍封舒國公無量則覽之元昆也量修學之日臨平湖龍見無不往觀舒公晏然不離書按氣度如此明皇初年舒公侍講帝嘉尚之歸覲太夫人年已期頤昆季皆以華皓晨昏之地說法而已覽以開元二十二年示疾終于臨平所造寺春秋八十四僧明了大覺普賢神滿懷遂皆參預法流奉法器藏于細礪洞之下基工部給六侍郎徐安貞撰碑頌德焉又閩中愛同寺釋守如多事勸誘越上之民歸若廓聚焉崇樹精廬以爲濟衆急在利他開元十年於寺營浴室患地勢陡高清泉在下桔槔無用汲引

步邇終以爲勞思慮不迨無由改作忽一宵  
下流頓涸距造浴室所二十餘步清泉迸出  
時謂神功冥作移此泉耳七閩之民罔不歸  
信終于溫室之偏房矣

唐東陽清泰寺玄朗傳

釋玄朗字慧明姓傅氏其先浦陽郡江夏太  
守拯公之後曹魏世避地于江左則梁大士  
翕之六代孫遂爲烏傷人也母葛氏初妊娠夢  
乘羊車飛空躡虛而覺身重自茲已後嘗血  
惡聞殆乎產蓐亦如初寐覺後心輕體安嬰  
兒不啼院爾而笑九歲出家師授其經日過  
七紙如意元年閏五月十九日勅度配清泰  
寺弱冠遠尋光州岸律師受滿足戒旋學律  
範又博覽經論搜求異同尤切涅槃常恨古  
人雖有章疏判斷未爲平允往在會稽妙喜

寺與印宗禪師商確秘要雖互相述許大旨  
未周聞天台一宗可以清衆滯可以趣一理  
因詣東陽天宮寺慧威法師威稟承括州智  
威時傳威是徐陵後身灌頂師之高足也朗  
親附之不患貧苦達法華淨名大論止觀禪  
門等凡一宗之教迹研覈至精後依恭禪師  
重修觀法博達儒書兼閑道宗無不該覽雖  
通諸見獨以止觀以爲入道之程作安心之  
域雖衆聖繼想而以觀音悲智爲事行良津  
遊心十乘諦冥三觀四悉利物六即體徧雖  
致心物表身狀人寰情捐舊廬志栖林壑唯  
十八種十二頭陀隱左溪巖因以爲號獨坐  
一室三十餘秋麻紵爲衣糲蔬充食有願生  
兜率宮必資福事乃構殿壁續觀音賓頭盧  
像乃焚香斂念便感五色神光道俗俱瞻歎

未曾有此後或猿狹來而捧鉢或飛鳥息以聽經時有盲狗來至山門長嗥宛轉于地朗憫之焚香精誠爲狗懺悔不踰旬日雙目豁明至開元十六年刺史王上客屈朗出山暫居城下朗辭疾仍歸本居厥後誨人匪倦講不待衆一鬱多羅四十餘年一尼師壇終身不易食無重味居必偏廈非因尋經典不然

一燭非因觀聖容不行一步其細行修心蓋

徇律法之制遂得遠域沙門鄰境耆耋擁室填門若冬陽夏陰弗召而自至也其寺宇凋弊乃指授僧靈稟建其殿宇形像累二甃塔

績事不用牛膠悉調香汁天台之教鼎盛何莫由斯也一日顧謂門人曰吾衆事云畢年

旦暮焉以天寶十三年九月十九日薄疾而終春秋八十有二僧夏六十置塔於巖所

生常撰法華經科文二卷付法弟子衢州龍丘寺道賓淨安寺慧從越州法華寺法源神邕常州福業寺守真蘇州報恩寺道遵明州大寶寺道原婺州開元寺清辯齠年慕道志意求師不踰三年思過半矣行其道者號左溪焉第其傳法號五祖矣禹山沙門神迥著乎真讚矣

系曰觀其唐世已上求戒者得自選名德爲師近代官度以引次排之立司存主之不由已也朗之求戒不其是乎如是師資相練恩義所生脫臨事請爲則喻同野馬也

唐湖州佛川寺慧明傳

釋慧明俗姓陳氏漢太丘長寔之後世居潁川永嘉南渡祖爲司徒掾曾祖仲文有佐命于陳封丹陽公祖爲雙溪穀熟二縣令考爲

蘭陵長乃爲蘭陵人也明母氏初感之日如持佛戒足惡履于葷園口不嘗于蠶器神夢  
髮鬍如聞法音既而誕焉年漸及壯方祈捨俗父母偕聽至受具時即開元七年也習學律藏嘗謂人曰昔者繁刑首作伯成子遁焉

給六

十三

吾雖不捨律儀而惡乎譯論紛紛若心印心之法至矣哉乃西詣方巖頓開心地天寶中有願於清涼山淮汴阻兵明即旋策與禪客遇同遊宛陵於上石門置蘭若三所有大戲來擾如撫奄焉時荐饑群盜欲至必號呼先告往往有徵焉先是此鄉好弋獵明化之皆焚置網器仗矣至天寶五年爰止乎魚陂道場有瑞公者白土史宗之流迹邇行轍世莫之識始相見曰南祖傳教普薩來何晚耶他日同登魚陂峯頂見東南有山蒼琅獨秀謂

璫公曰吾與此山宿有緣矣天寶八年有制度人州將韋南金舉高行黑白狀請隸名州中寧化道場明固辭改隸佛川即疇昔魚陂所望之峯梁吳均故宅之所地志云青山南掘得古佛二軀莫知年代獲像之地靈泉涌起因名佛川焉泉側有吳王古祠風俗淫祀濫以犧牲於是明夜泊廟間雷雨荐至林摧瓦飛墳之雨收月在見一丈夫容衛甚盛明日居士生爲賢人死爲明神柰何使蒼生每被血食豈知此事殃爾業耶神曰非弟子本意人自爲之禮懺再三因與受菩薩戒神欣然曰師欲移寺弟子願捨此處永奉禪宮後果移寺於祠側獲銅盤之底篆文有慧明二字焉建中元年正月示疾其日庭水春染山雨晝冥猛虎繞垣悲嘯而去十二日奄然長

往春秋八十四僧臘五十一二月十二日建塔于寺西山焉傳法弟子慧解慧敏如知三人也若鴦子採菽之倫也菩薩戒弟子刺史盧幼平顏真卿獨孤問俗杜位裴清深於禪味俾晝公爲塔銘焉

給六

十四

唐湖州大雲寺子瑞傳

釋子瑞字真瑛姓沈氏吳興德清人也其先亡國於沈因以爲氏春秋沈子之後也瑞生而聰慧不以師授年未總角辭親出家以如意年中大赦度人壞衣削髮煤炱世事於洛京大福先寺受戒勤勤祈請假寐三日之夕見有神人儼然在目倏往忽來或同或異得非至誠乎於是燭如來燈佩菩薩印證聖中歸于大雲道場堅執律柄僧綱釐舉不亦宜哉瑞素履純庵無咎無譽使天下之士有外

道焉有聞提焉心如飄風言若泉涌撓我聖教擠我妙門瑞示以從容誘以方便莫不稽首挫色而聞命焉常禮一萬五千佛名兼慈悲懺日夜一帀或二日三日一帀夜有聖僧九人降於禮懺之所相與行道彈指而去或

夜無燈燭心口是念圓光照室如坐月中如此則往往有之瑞慨德清徧邑未有塔寺遂銳懷營構一唱齊和乃成精宇前後寫經三藏凡一萬六千卷天寶初臨安足法師死經三宿將入地獄冥中見瑞引至王所謂王曰

給六

十五

此人能講涅槃經王宣宥之王曰唯聞巖峯師能講不聞此師名何也如是再三王不能屈因赦之曾是鄉人施犧牛者天然不孕因而乳其通感如是以十一年秋禪坐而終十二年春將啓靈龕欲焚之容色不變如生

雖少林孕鬚蘄青春育髮何獨嘉也大理評事  
攝監察御史姚淡主客郎中姚沛刺史楊蕙  
才偕歸信焉

唐明州慈溪香山寺惟實傳

釋惟實姓湯氏富陽人其爲人也杜多其行  
禪觀其心淡然靜居長坐不寐初母氏抑其  
願心不容披削旣而籠開鳥逝岸穴泉飛學  
善財之徧參同迦葉之練行天寶中往明州

若嶼山夜聞冥告曰達蓬聖跡名山宜矣翌  
日且登其山巖洞窈窕石壁削成秀異之多  
寶維靈境有大佛足跡詢其山叟則曰彼開  
元年中始現斯瑞遂願棲此有終焉之志時  
屬海寇袁晁蜂蠭屯聚分以剽劫殺戮無辜  
至于香山衆皆奔竄實據榻暝目先以大石  
掩洞門賊可三百數復昇巨石闢二丈餘

鎮其穴口實起暗鳴以掌舉之群盜羅拜以  
謝之而去邑民重之遂立精舍弗再歲而成  
大曆八年也太守裴徽奏請署香山題額焉  
詔度僧七人隸名矣以貞元二年冬示疾終  
于寺則跏趺而化也春秋六十二法臘三十  
一矣

唐朔方靈武龍興寺增忍傳

釋增忍俗姓史氏沛國陳留人也典謁之年  
登其鄉校百氏簡策寓目入神藝文且工乃  
隨計吏數舉不捷會昌初薄游塞垣訪古賀  
十六

蘭山中得淨地者白草谷內發菩提心頓挂  
儒冠直歸釋氏乃雜草結芽爲舍倍切精進  
羌胡之族競臻供獻酥酪至五載節使李彥  
佐嘉其名節於龍興寺建別院號白草焉蓋  
取其始修道之本地也忍刺血寫諸經大中

七年李公慮其枯悴躬往敦諭曰師何獨善一身行小乘行胡不延憎生性任持教法所利博哉忍執情膠固遂著三教毀傷論以見志帥覽而益加崇重九年因讀大悲經究尋四十二臂至無畏手疑而結壇浹旬禱請自

空中現其正印雙拳歷歷可觀遂命畫工繪寫此臂焉或有譏謗者忍再精憇虔告畫工濯筆銅椀中忽感寶性華一朶枝趺鬚葉一皆鮮明覩者驚歎至咸通十二年七月十日示滅于白草院春秋五十九年十月十七日藏神于水館之南建塔焉初忍刺血寫經總二百八十三卷畫盧舍那閣三十五尺門一丈六尺起樣畫大悲功德三軸自著大悲論六卷並藏諸篋笥焉後節使唐恒夫仰其遺跡奏乞旌勸勅謚大師曰廣慧塔曰念定弟

子無轍亦致遠之高足賈血書經二卷瑞華椀一枚詣闕奏呈宣賜紫衣天復中終及梁乾化初中書令西平王韓公遜錄遺跡奏聞太祖勅致謚曰法空別賜紫方袍塞垣榮之後唐同光中從事薛昭紀爲碑焉

### 唐京兆荷恩寺文瓊傳

釋文瓊姓張氏晉陽人也天姿整恪幼事師於并州崇福寺學該群籍控帶三乘至若金版銀繩之錄龍韜象祕之文罔不綴耘情田波濤口海宣暢皇化對揚天休一皆悅服詔爲翻譯并河南佛授記寺兼京兆安國荷恩崇福等寺大德好修福事設無遮一百會凡聖混淆一皆等施縱風雲連起及至齋日必晴明晏然感動人祇福無唐設春秋六十餘卒於本院境內苦霧如泣數日不解焉

唐太原府崇福寺懷玉傳

釋懷玉姓許并州人也少而警利日覽千言早露鋒芒迥拔儕類及其長也戒節踰峻梵場龜鑑志在修葺無間彼此夏墟寺宇經有闕而必補像有凋而徧修三任紀綱特有崇建仍校讎大藏經二十餘本祁寒盛暑不廢晨暮增飾淨土院興事任力轉加殊麗代宗嘉之委爲灌頂道場主真言祕訣有所在矣春秋六十三卒於本院云

唐晉州大梵寺代病師傳

釋代病者台州天台人也姓陳氏以其嘗發大願盡一報代衆生之病致本名不顯矣誕育之辰祥光充室鄰里異焉七歲喪父哀毀幾乎滅性白母求出家母纔艱阻遂斷一指親黨敦勸偏親乃送於國清寺因戒法登滿

卷六

十六

誓志觀方初止今東京次於河陽爲民救旱按經績八龍王立道場啓祝畢投諸河舉衆咸覩畫像沉躍不定斯須雲起膚寸雷大雨作千里告足自此歸心者衆先是三城間多暴風雹動傷苗稼雉堞號爲毒龍爲之也代病爲誦密語後經歲序都亡是患盟津民立堂宇若生祠焉大曆元年登太行遊霍山乃深入幽邃結茅而居有盜其盜食俄見二虎據路會逢代病盜叩頭陳悔慰諭畢因摩挲虎頭如是累伏猛獸其盜本樵子願依附爲苦行焉其中山神廟晉絳之間傳其脇巒代病入廟勸其受歸戒絕烹燬牲牢其神石像屢屢隨勸領首顧其神婦略無渝答之狀遂剃神之髮毀撤神婦鄉人怪之聞白州邑太守怒之曰此唐高祖初起至此久困陰雨其

神見形示路以迎義師厥後礪石爲像薦饗無虧此之髡師無狀敢爾俾繫閉於嘉泉寺扃鍵且嚴至二十日啓關寂然禪定傾城咸往觀禮或聲磬舒徐而起太守急召之不來以至約令斷頭代病斬一指以付使者太守

卷六

十九

請移置大梵寺別營輒浮圖以藏其指節矣由是檀信駢肩躡踵有寘毒於

酒者賄貧女往施之代病已知貧女給之曰妄家醞覺美酌施和尚求福況以佛不逆衆生願代病曰汝亦是佛然貧女懼反飲具以情告代病執杯啜之俄爾酒氣及兩脰足地爲之墳裂聞者驚怪以酒供養自茲始也汾

隰西河人有疾止給與淨水飲之必瘳凡屬荐饑必募糧設食後於趙城救斯荒歉作施食道場前後八會遐邇賴之道感多類以貞

元十九年秋七月八日奄然跏趺示滅四衆初謂如嘉泉寺之禪定與香華供養至于隔歲膚肉漸堅方知永逝遂漆布續畫之武宗廢塔像無巨細皆毀除或議之移入陶窟中既而生瑞草一本其狀亭亭若蓋盤錯縈紝庇其風雨而有餘也宣宗即位佛事中興綱糾比丘造小亭移真形寘於此先於嘉泉寺斷指節已過百齡筋肉甲爪光潤且如金色或屬兵革城陷指亡後有贊出逃難事息歸還亦陰福其逋亡者至今平陽人崇信焉

音釋

流池

流荒胡切

池唐何切

也久切

渠矩鮒切

泊儒稅切

水歎

汗虛

切乾

狃女習也

夕矩景也

泊日油切

至徒結切

土蠻封切

桔封也

失涉州名

切橐篋橐他各切

篋以灼至

北日油切

水歎

汗虛

鬚脂

切嚙他各切

嚙袋也

火至徒結切

土蠻封切

桔封也

桔音

桔槔居勞切

桔槔汲水具也

桔槔切

小笑貌

居縛切

大母獮也

桔槔切

魚思

魚思連切

魚思殺凡

魚思殺凡

魚思殺凡

魚思殺凡

魚思殺凡

桔槔切

撓亂也

切擠牋西切

桔槔切

桔槔切

桔槔切

桔槔切

桔槔切

嶼鳥到

切懸誰也

桔槔切

桔槔切

桔槔切

桔槔切

桔槔切

不登也

苦筆切

桔槔切

桔槔切

桔槔切

桔槔切

桔槔切